

R A T I O N E S

31603/II

Quod non tantum expediat, sed etiam necesse sit Academiam Leopoli in Collegio Patrum Societatis I E S V erigere.

1. **R**atio. Erectio Academix in Collegio PP. Soc: I E S V Leopoli: magnoperè est necessaria ad Fidei & Romanæ Ecclesiæ inter Hæreticos & Schismaticos defensionem & propagationem, ad cuius efficaciam plurimum conferent literarij honores, & promotionis gradus, vt Doctores Catholici Doctoribus Schismaticis opponantur, & maiore cum authoritate Catholicam Doctrinam promoucant.

2. In præteritis Comitibus concessa sunt Ruthenis duæ Academiae: altera Kiiouæ resuscitanda, altera vbi illis libret, erigenda; Patribus Soc: saltim vna concedatur. Et si tunc, quando istæ Academiae concedebantur, Academia Cracouiensis sua Iura & Priuilegia non opponēbat, cur modo opponit?

3. Si Rutheni erigerent Leopoli suam Academiam, magnæ sine dubio essent dissensiones inter hos Academicos & Collegij Societ: I E S V Studiosos. Cum igitur in præteritis Comitibus obtinuerint Rutheni licentiā erigendi Academiam in eo loco, quem elegerint, ne eligerent Leopolim, omninò necesse erat eos præuenire impetratione Priuilegij ad Academiam in Coll. PP. Soc. I E S V erigendam.

4. Vt Vniuersitas erigatur in Coll. PP. Soc: I E S V Leopoli, expectunt Illustr: Russiæ Magnates, & tota illarum terrarum Nobilitas, vt habeant vicinior doctrinarum emporium, quàm sit Academia Cracouiēsis. Id ipsum expetiit à S. R. M. per Illustris: ac Reu: D. Regni Cancellariū D. Nicolaum de Prazmow Prazmowski meritisima de Repub: Ciuitas Leopoli, speratq; se hoc promeritorum suorum premium & ornamentum consecuturam.

5. Polonia & Magnus Ducatus Lithuaniae gaudent suis Catholicis Academiis, cur non gaudcat eodem præsidio & ornamento Russia?

6. Tàm amplum est Regnum Poloniae, vt quemadmodum non vnus tantum fontis, ita nec vnus duntaxat vniuersitatis sit capax.

Gloriatur Vniuersitas Cracouiensis adinstar Patauinæ & Bononiensis Vniuersitatis se esse fundatam; vt igitur non solum Patauium, nec sola Bononia, sed Patauium cum Bononiâ totam Italiâ clarificat, quemadmodum ait VLADISLAVS IAGELLO in Statuto Herburti; ita Academia Cracouiensis non ambiat sola Vniuersitatem Poloniam Russiamq; clarificare, sed in consortio clarificandi Leopolum compatiatur.

7. Tâmetſi PP. Soc: IASV obtinuerint olim à Sede Apostolica decretū Studiosos externos in suo Collegio Cracouiensi docendi, cessere tamen eo tempore Reipub. voluntati. Cum igitur nunc erigere velint remotiorem ab Vniuersitate Cracouiensi Academiam nullo ipsi in tantâ locorum distantia impedimento futuram, sperant à Rep. huius suæ voluntatis approbationem.

8. Nec est metuendum, ne exorians Academia Leopoliensis antiquissimam atq; celeberrimam Vniuersitatem Cracouiensem extinguat. Propagabit illa suum splendorem meritis, promotionibus, doctrinâ, & nominis suis celebritate, magnamq; Polonæ iuuentutis partem ad se trahet.

9. Facessat scrupulus, quo quidam anguntur, dum existimant se erectioni Academiæ Leopoliensis assentiri non posse, ne rei iuramenti existant, quo se quondam obstrinxerant ad tuendam Academiam Cracouiensem, cuiq; honorem defendendū, quia illud solum cadit sub iuramentum defendendi honorem & Priuilegia Academiæ Cracouiensis, quod est Priuilegium vel honor illius, sed non permittit in toto Regno Poloniæ vllam aliam Vniuersitatem nec est Priuilegium, nec honor Academiæ Cracouiensis. Non Priuilegium; hoc enim nullibi extat. Non honor; quis enim dixerit arrogantiam monarchiæ scientiarum & libertati Reipublicæ, quam habet ad concedendas alias Academias, & remotiori à Ciuitate Cracouiensi Russiæ Nobilitati præiudiciosam, esse honorificam Cracouiensi Vniuersitati? Igitur non permittit aliam in toto Regno Vniuersitatem non cadit sub iuramentum defendendi honorem & Priuilegia Academiæ Cracouiensis. Vnde sequitur non esse contra iuramentum Academiæ Cracou: præstitum consentire in approbationem & confirmationem Academiæ Leopoliensis.

10. Erectio Academiæ in Collegio PP. Soc: IASV Leopoliensi,
nulli

nulli fusi vel Priuilegio Academiae Cracouiensis derogat. Potest igitur propter allatas rationes à Rep. approbari & confirmari.

Quod non derogat, manifestè patet, quia id in nullo iure vel Priuilegio legitur, quod sola Academia Cracouiensis debeat esse in toto Poloniae Regno, & nulla alia in vllâ eiusdem Regni Ciuitate erigi possit. Proferant Academici Cracouienses ex omnibus iuribus & Priuilegiis suis vel vnicum textum, in quo id scriptum sit. Videntur maxime inniti verbis illis, quæ in Diplomate Erectionis suæ Vniuersitatis a VLADISLAVO IAGELLONE sibi dato legunt. *Fiatq; ibi fons Doctrinarum irriguus, de cuius plenitudine hauriant Vniuersæ literarum cupientes imbui ornamentis.* Hinc enim inferunt solam Academiam Cracouiensem in toto Poloniae Regno debere esse Vniuersarum Doctrinarum fontem, nec posse in vllâ aliâ Regni Ciuitate alium fontem aperiri, ex quo profluant Vniuersæ Doctrinæ. At non dicitur in hoc Diplomate. *Fiatq; tantum ibi fons Doctrinarum,* sed dicitur, *Fiat ibi fons doctrinarum &c. vbi Cracouiæ.* Quibus verbis non vetat VLADISLAVS IAGELLO fontem Doctrinarum in aliâ etiam Ciuitate Regni temporibus consecuturis aperiri; sed tantum significat se eo tempore, quo Priuilegium conferebat, Cracouiæ illum aperire. Nec est credibile VLADISLAVM IAGELLONEM eo Priuilegio Vniuersitatem doctrinarum ita restrinxisse ad solam Ciuitatem Cracouiensem, vt eam noluerit in suâ etiam auitâ Ciuitate, nempe Vilnæ, vnquam erigi. Sicur igitur Lutherani ex eo, quòd fidem legant in scripturis sacris iustificare, non rectè inferunt, solâ fidè iustificare; ita qui in Priuilegio Iagellonis legunt, Academiam Cracouiensem Cracouiæ esse fontem doctrinarum, non bene inferunt solam Academiam Cracouiensem debere esse fontem doctrinarum in toto Poloniae Regno, nec posse aliam Vniuersitatem doctrinarum in aliâ Ciuitate Regni institui.

Interea PP. Soc. Res v ab Illustrissimis Ordinibus humillimè petunt, vt aduertant, quàm ob causam Academia Cracouiensis eo tempore, quo percrebuit erectio Academiae Leopoliensis, sua iura & Priuilegia à Rep. confirmari velit, & quid hisce iuribus suis Priuilegijsq; prætendat. Si enim illis hoc prætendit, quòd Rationibus contrà Erectionem Academiae Leopoliensis editis conatur persuadere, videlicet vi suorum iurium & Priuilegiorum solam tantum in toto

toto Polonia Regno debere esse Vniuersitatē Cracouien: nec posse
 aliam in aliquā eiusdē Regni Ciuitate excitari Vniuersitatem; siq;
 in eo sensu vult sua iura & Priuilegia confirmari; non patiatur Sa-
 pientissima Reip. talem interpretationem, quam nullo modo ver-
 ba Priuilegii significant, ad confirmationem sibi obrudi, nec li-
 bertatem suam, quam habet ad alias etiam Vniuersitates in Regno
 Polonia instituendas, eā confirmatione coarctet. Quin immo palā
 ostendat se eam libertatem habere approbando & Comitālī Consti-
 tutione confirmando Erectionem Academiae Leopoliensis, non
 obstantibus Priuilegijs & iuribus Academiae Cracouiensis, quibus ea
 Erectio haud quidquam derogat.

Hanc breuem informationem PP. Societatis Iasv Prouinciæ
 Polonia Illustrissimis & Amplissimis Regni Ordinibus venerabundē
 deferunt, & submisisse petunt, vt in hac causā, quæ ad vtilitatem,
 consolationem & gloriam Reip. refertur, beneuolentiam omnium
 experiantur, & Erectionis Academiae in Collegio Leopoliensi Ap-
 probationem Constitutione Comitālī confirmatam obtineat. Præ-
 cipue tamen suorum quondam discipulorum opem implorat So-
 cietas, quos tam in sapientissimo Senatu, quam in Eruditissima
 Nobilitatis coronā Reipubl. negocia summa cum dignitate tra-
 ze magno suo solatio conspici, gratulaturq; Deo, quod etiam
 ex Collegiis & Vniuersitatibus suis Viri dignissimi
 prodeant.



Cum Licentiâ & Approbatione Illustr. ac Reuer. Loci Ordinarij.

V A R S A V I Æ.

Apud Viduam & Heredes Petri Elert, S. R. M. Typ.

Anno Domini, 1661.

BIBLIOTH.

VNIV.



IBELL

CRACOVIA